

## COMUNICÂT STAMPE

### IL GDBTF CONSULTABIL DAL SÎT ARLEF

**Si puedin cirî plui di 23 mil peraulis e passe 14 mil locuzions**

Udin, ai 23 di Zenâr 2013 - Di cheste setemane indevant il Grant Dizionari Bilengâl Talian Furlan al è consultabil sul sît de Agenzie regionâl de lenghe furlane [www.arlef.it](http://www.arlef.it).

Facil, imediât di doprâ, l'imprest si pues cjatâ sedi de home page sedi sot de sezion "risorsis". La gnove version inzornade dal GDBTF e presente plui di 23.000 peraulis e passe 14.000 locuzions.

Pes sôs carateristichis il GDBTF al è un imprest fundamentâl no dome par chei che a lavorin doprant la lenghe furlane tes scuelis, te aministrazion publiche, tai media e tai setôrs de comunicazion e de economie, ma ancje par ducj chei che a intindin imparâ la lenghe furlane di plante fûr, o, cognossintle, a vuelin miorâ lis lôr competencis e orientâsi a une alfabetizazion corete.

"O vin plasê di presentâ ancje chest inricjiment dal nestri sît internet, che al è stât propit di resint selezionât intune des plui impuartantis competizion talianis dal web tant che un dai plui preseâts tal cercin de publiche aministrazion", al à marcât il president de ARLeF, Lorenzo Zanon, zontant che "il dizionari al sarâ un strument impuartant ancje par i tancj tal forest che cumò cuntun 'click' di mouse a podaran cirî une peraule che si son dismenteâts o, parce no, imparâ une gnove al di".